



文澱初編卷四

錫山錢肅潤礎日評選

同邑秦松齡對巖

訂正

吳江董 閻方南

方輿紀要序

熊開元



昔○司○馬○子○長○好○遊○足○徧○天○下○宗○少○文○好○遊○不○出○戶○庭○俱○善○遊○者○  
也○宛○溪○景○范○氏○負○奇○材○具○大○略○劉○覽○古○今○積○其○年○力○成○方○輿○一○  
書○取○材○富○考○覈○精○不○出○戶○庭○周○知○天○下○視○少○文○壁○上○一○丘○一○壑○  
相○去○何○啻○倍○蓰○其○筆○勢○縱○橫○又○如○子○長○文○得○所○歷○探○益○遼○翔○容○

與○奔○放○靡○極○宛○溪○洵○善○遊○哉○余○楚○人○習○聞○三○楚○之○要○莫○如○荆○襄  
又○熟○履○其○地○考○在○事○得○失○嘗○欲○借○籌○三○楚○及○令○崇○邑○知○海○外○一  
區○為○三○吳○保○障○再○令○松○陵○知○江○南○水○利○在○導○三○江○而○東○江○已○非  
其○故○罔○非○身○履○而○知○今○宛○溪○坐○籌○一○室○出○入○二○十○一○史○縱○橫○千  
八○百○國○凡○形○勢○之○險○阨○道○里○之○近○遙○山○水○之○源○委○稱○名○之○舛○錯  
正○其○訛○核○其○實○芟○其○蔓○振○其○綱○宛○溪○未○嘗○足○徧○天○下○乃○淹○博○若  
此○哉○古○來○博○物○推○張○華○多○聞○推○弘○景○乃○弘○景○考○沙○苑○不○詳○張○華  
談○鴻○溝○不○備○他○若○山○海○水○經○之○書○郭○璞○道○元○之○註○杜○佑○目○為○詭  
誕○為○迂○謬○蓋○文○采○有○餘○而○據○實○不○足○也○宛○溪○不○徵○奇○不○探○異○網

宛溪著書之意如見

羅○放○失○于○古○今○成○敗○利○鈍○之○際○三○致○意○焉○使○其○展○籌○運○策○伏○波

聚○米○弘○策○畫○圖○抑○何○多○讓○乃○落○落○寡○諧○人○難○衣○食○日○擁○是○書○快

遊○一○過○雖○千○乘○之○尊○猗○頓○之○富○不○易○此○或○者○謂○地○非○身○履○不○足

字細駁一番

取○信○如○曹○孟○德○攻○張○魯○聽○降○人○言○以○陽○平○城○下○南○北○遙○遠○不○可

守○及○至○其○地○不○如○所○聞○意○阻○欲○還○此○其○驗○也○然○而○地○非○身○履○可

以○遙○斷○如○宋○劉○敞○使○遼○遼○人○導○之○自○古○北○至○柳○河○迴○環○千○里○敞

日○自○松○亭○趨○柳○河○徑○且○易○不○數○日○可○抵○中○原○遼○人○駭○愧○由○此○言

之○何○用○身○履○哉○必○俟○身○履○而○知○即○如○劉○輿○密○視○水○陸○形○默○記○之

亦○一○隅○智○耳○使○讀○宛○溪○書○不○煩○舟○車○不○曠○日○月○捷○戶○而○窺○可○以

○又○照○應○起○處○堂定本

得天下之全形亦可以知一方之險易彼宗少文區區壁上觀何足數卽子長東登泰山南探禹穴徒重蠶其足安得謂善遊哉○結○語○斷○定○若宛溪者洵善遊者也

徐健庵曰宛溪紀要一書博而能通簡而能括總由讀書多

識見廣故談天下情形若聚米若畫圖詳晰無遺耳今讀嘉

魚文益信

錢礎曰曰顧子不出戶庭周知天下其遊當在宗少文司馬

于長上先生以為善遊遊誠善矣世之言遊者慎勿以臥遊

一圖作枕秘而足跡偶過一二處遂謂曾探禹穴之藏也

四川總志序

蔡毓榮

皇上御宇十有一載武功既成文德斯洽爰命閣臣請肇脩一

統志詔下督撫諸臣脩各省通志以進而蜀志適以是時告成

故達於御也於諸省最先臣惟蜀自嬴秦伐山通道雖立郡置

守迹類羈縻迨李冰守蜀鑿江墾野引水灌田而蜀始號陸海

漢文景間文黨治郡乃立文學選其俊又詣博士受經還以教

授而蜀始比于齊魯此蜀地富教之所由興也哀平之際蜀士

如林束帛璽書交馳梁益漢徵八士蜀有四焉可謂盛矣沿及

三國諸葛亮以王佐之才立綱陳紀開誠布公故地則偏隅名

爲○正○統○唐○自○明○皇○幸○蜀○置○尹○比○于○二○京○自○是○而○後○蜀○之○百○工○技  
巧○甲○于○天○下○世○有○揚○一○益○二○之○稱○迄○于○五○季○僭○竊○相○仍○華○靡○不  
改○宋○有○吳○曦○之○亂○明○有○楊○奢○之○擾○螳○臂○怒○蛙○非○時○剪○滅○若○乃○荼  
毒○凶○殘○民○無○噍○類○鋒○刃○所○向○天○地○淪○胥○未○有○如○明○季○寇○禍○之○酷  
者○也○洪○惟○我○世○祖○章○皇○帝○剪○除○巨○寇○混○一○寰○區○十○有○六○載○而  
蠶○叢○始○闢○維○時○西○山○一○隅○虺○連○螳○聚○猶○爲○秦○楚○蜀○逋○逃○藪○我  
皇○上○天○威○赫○怒○命○將○徂○征○哀○劑○之○旅○架○入○其○阻○蜀○以○勁○兵○擊○其  
右○擒○渠○掃○穴○克○奏○蕩○平○上○功○幕○府○蜀○居○首○焉○于○是○大○告○武○成○與  
民○休○息○省○刑○薄○賦○遐○邇○一○體○念○蜀○民○之○重○困○屢○飭○所○司○勞○來○安

堂定本

集○嗟○此○子○遺○葦○路○藍○縷○雖○土○宇○承○其○版○章○而○風○氣○無○殊○草○昧○生  
聚○之○計○已○踰○十○年○富○教○之○事○責○在○臣○等○緬○惟○開○元○始○置○劍○南○節  
度○其○後○遂○爲○大○臣○廻○翔○之○地○韋○臯○治○蜀○二○十○年○功○名○彪○炳○顧○欲  
兼○兩○川○節○鉞○而○不○可○得○臣○以○樗○材○謬○膺○重○寄○忤○忤○焉○負○乘○是○愆  
客○春○奉○命○入○蜀○遡○三○峽○渡○瞿○塘○自○夔○門○抵○巴○渝○舍○舟○而○騎○達○於  
成○都○既○而○由○漢○嘉○戎○瀘○下○渝○州○以○歸○楚○殆○已○暨○乎○蜀○之○三○方○矣  
所○至○進○其○遺○民○而○拊○循○之○進○其○長○吏○而○戒○勵○之○時○僅○半○載○每○懷  
靡○及○富○民○之○術○前○愧○於○李○冰○教○士○之○方○後○慚○於○文○黨○臣○身○在○楚  
臣○心○無○日○不○在○蜀○也○臣○竊○謂○今○日○之○蜀○與○昔○異○昔○諸○葛○亮○初○說

寫出初開氣象宛狀在目

昭烈據有荆益及入蜀之後吳襲江陵而蜀不能援雖有上庸  
 之師無救麥城之敗則以楚蜀之勢分也方今四海一家萬里  
 在席而况岷峨江漢勢若率然是以西山數載之遺寇分道仰  
 攻而未下合楚蜀之力一舉而克之則一統之異于偏方也撫  
 斯編也鑑往事而循厥職思所以紓九重西顧之憂襄太平右  
 文之盛者惟以澹泊寧靜為治蜀之本以維州失策為籌邊之  
 戒而以聯絡楚蜀為安內攘外之長策斯臣之所不敢即安而  
 不敢不勉者也蜀志脩於明楊慎諸人後凡再脩兵燹之後僅  
 有存者類多闕文前撫臣德地脩飾之今撫臣森潤色之而籀

臬諸臣皆有討論之跡臣不敏藉手以對揚休命實厚幸矣敬  
 颺言簡端以識歲月云

錢礎日日讀此序備見先生治蜀大作用李冰富民文黨教  
 士實兼有之而殫力盡瘁百計經營則惟忠武侯近之矣篇  
 中俯仰今昔偏方一統較量分明畫地為圖聚米成山何足  
 形其博算耶

定興縣志序

丁思孔

洛陽張君宰定興之明年○早夜恪勤○善于其職○慨然慮文獻之  
 久湮○以修明為已任○鳴琴之暇○爰取邑志而纂輯之○閱數月而  
 書成○乞余為之序○余讀竟嘆曰○美哉典而核直○而有體明辨而  
 多風邑○其藉是書以傳乎○嘗攷周官小史掌邦國之志○外史掌  
 四方之志○歲行人採風以觀治辨謠俗○而閭胥族師黨正卿大  
 夫各有所書以登于王○咸隸于史○云迨及東漢南陽撰記風俗  
 郡縣始自各為志○夫述往示來○俾邑無遺善○人有觀型○此良有  
 司職也○定興咫尺○鄭重得休皇畿聲名文物○斌斌有鄒魯風○而縣自金

元建置以來迄無成書設長吏撫循茲土而委掌故于草莽則  
 民行何自而興觀風問俗者將于何而考稽焉是定邑之不可  
 一日無志也明矣然郡志皆有志而唯定獨無則蒐羅釐訂事  
 繁而功倍此修明之實難其人也蓋誌必綜古今該名實訂覈  
 驗識可以觀學褒貶必真臧否以之義例燦焉可以觀政躋邇  
 信遠繼懲昭勸有類于史可以觀世苟非湛深乎經術恢擴乎  
 才猷者未易勝任而愉快也乃余攷定邑一志稿凡幾易而人  
 輒數更或修矣而業仍未竟或竟矣而書不果梓豈非難其人  
 尤難其會歟今張君之為是舉也無因循無草率與定之士大

夫網羅舊聞搜求遺逸以奮為筆削使事無遺古文絕繁稱而  
 一邑之中上下數百年人物事蹟興廢得失之故展卷瞭如指  
 掌則是書也所以補從前之缺典而備今日一統之採輯者于  
 是乎在寧僅一邑藉是以傳也哉

錢礎日日江淹謂修史之難無出于志鄭樵亦云志者憲章  
 所在必老于典故然後能為先生所為湛深經術恢擴才猷  
 者其在是乎定興係京畿近地昔無志今有志且得先生為  
 之序洵堪潤色鴻業為邦國光矣



登封縣志序

耿介

古者列爵分土○諸國皆有志○考之周禮○小史掌邦國之志○志者○  
 史之流也○迨封建廢而郡邑興○今之邑○卽古諸侯之國○今之邑○  
 志卽古國之史也○登志○剏自明季○萬曆間○燕公儼○韋屢經兵火○  
 散失無存○國朝定鼎○三韓張公祥如○購求遺文○僅得半藁○纂  
 續成書○復閱三十年所矣○今長洲牖如張公來蒞茲邑○會當問  
 闢困敝之餘○兼以飢饉游臻○詢問疾苦○洗滌煩苛○茹蘗飲水○以  
 拊摩噢咻之○未幾政成民和○每自公餘○暇手不停披○凡書史所  
 稱德禮之化○循良之規○可施之今日者○靡不坐言起行○一日慨

然日政令條教補偏救敝一時事也邑乘之設以述往鏡來備  
 觀感而寓勸戒非一時事也修輯之役庸可緩諸於是謀之邑  
 薦紳大夫而與焦文學錫三取舊志刪繁截蕪旁搜博采遠稽  
 近收勒成一家之言為綱凡十為目五十有九體裁謹嚴經緯  
 綿密事增於前文省於舊辨而不譁詳而有要余取而讀之而  
 竊窺我公之用意蓋深且遠也於山川風土人物之中獨詳職  
 官自唐宋以來治行表表者不啻著蔡奉之即至一節之善亦  
 不憚特書細書其故何哉豈不以長吏奉天子命分符百里  
 此百里之內人才盛衰風俗淳漓土田荒闢賦稅輕重物產息

提出職官大有手舉

耗皆係於政治之得失歟夫政治何以得前人之可觀法者是  
 也政治何以失前人之可鑒戒者是也雖然得失在心不在事  
 也公之心一念慈祥直通貫于胞民與物故能治邑如家視百  
 姓如子殷殷懇懇惟教養二字于民間水旱災疫疾痛疴癢斃  
 獨鰥寡之情以及畊桑樹畜黨塾絃誦孝友嫺睦之事推而至  
 徹桑綱戶烹葵食鬱采荼薪樗之微無不迴環於精神念慮而  
 夙興夜寐務扶植安全而後已其大者尤在修理學宮與復書  
 院日借多士講求身心性命之旨使洛學淵源賴以不墜今以  
 其行事質之誌書所紀載凡前人所為得公皆兼而有之公之

洞見本原之論

所為得則前人不能兼之者也是何也政有本有末不得其本  
○名○言○至○論○則取良法美意日補苴而不足得其本則真舉斯加彼一運量  
○應○心○字○而有餘然則讀是書者欲求公之政當先識公之心得其心而  
政可幾也由是人才日盛風俗日淳土田日闢賦稅日輕物產  
日息樂只豈弟之遺淪浹于嵩高箕穎之間俎豆而尸視之將  
我之觀法乎前人者轉而為後人之觀法矣此我公修志獨詳  
于職官未盡之蘊余故表而出之以俟後之君子有志于治者  
錢礎日曰修志獨詳職官自具卓識此文將勸善興化尙文  
勵俗之意一一傳出不特登封生色于張公並足千古矣

交城縣誌序

周弘

○文○章○經○

國家以實學軌天下士章掖而簪組者莫不翕然向風文章之  
○濟○通○篇○作○骨○士出經濟之才亦出坐而言起而能行斷不爽也康熙己酉秋  
余奉命典山西試欲持此論列晉才而新安趙君天羽時令  
交以分校同闈事方就席即執卷前曰文章之與經濟猶輿之  
正論不磨有衡輻去衡罔以肅觀瞻去輻罔以資運用若畧經濟而惟文  
章是崇剝剝割裂狹陋庸虛於家國天下亦烏乎賴之今誠觀  
其立言之先具有精意推陳吐秀氣骨瑋然雖為文章實經濟  
券予聞其言擊節稱善及撤棘後知所拔士果多夙抱益信文

從春秋發論妙

堂定本

章有神哉天羽分校春秋春秋記二百四十餘年七十二國之事而晉自踐土會盟以後富強甲中國匡王定霸之佐實生其間其山川之靈淑人物之魁奇傳諸記載可考而盛衰治亂興廢之故歷千百年隨時改易天羽分校一經能得士于摸索之中豈分治一方不能攬秀于輿圖之內且交固晉地也太原巖邑接壤都會地瘠而人驚夙稱難治今皆煦煦于桑麻絃誦中非天羽功不致是而天羽且以放衙之暇高吟酬倡于王山卦岳間其于經濟中更以文章見若此及予既還京師天羽以書來曰交故有邑誌多缺畧吾校而新之首之以星躔雲物迄于

地靈人傑物產一風參酌詳訂積二年始成今方在剞劂謹先

兩路夾發具見實

述其畧求先生一言為之弁余應之曰以君之文章見之于經濟用君之經濟傳之以文章豈一交足以竟其治豈一誌足以竟其治交者而始于交焉試之于交之誌焉見之必能兼丘明公穀之長而得春秋之大意矣他日鴻文鉅業彪炳天下者應即自此誌交始夫交誌余未見其全帙也而即信文章經濟合而有用如是者以天羽之所持以校士者知之也且因以信余與天羽所得士亦當不負斯言也遂書以為序

錢礎目曰文章經濟本非二事此篇從經濟說到文章復從

文章說合經濟天羽固全才非緘齋相信之深安得言之真切如此于此見文章有神交更有道也

堂定本

顧伊人虎丘山志序

林鼎復

起論

天下之勝區蟠踞詭譎所稱穹谷欽岩仙窠靈窟者不可勝記。特以僻壤荒徼馬跡弗至伏於灌莽之中為蛇蝠之所枕處雖有殊特岷絕之質而不能以供耳目之玩柳州嘗作鈇姆潭記謂茲丘之勝致之澧鎬鄩杜則貴游之士爭買而不可得豈非山川之遇因其地以為顯晦與吳郡虎丘不踰岡陵而名與嶽瀆等至於崇臺延閣浮屠金界菁林翠蔓參互蒙絡而油壁青聰樓船簫板雜遝鞋鞮於篁陰水濱之際不可謂非山川之幸焉予佐郡毘陵往返吳門停橈恣遊胸襟軒豁連歲視蒙長洲

薄牒旁午如炎烈鬱蒸每望蓮池鶴淵輒作赤脚層冰之想顧  
子伊人以虎丘志屬予序予從執掌中寓目緡閱似聽生公說  
法不覺花雨之繽紛也雖狀伊人名家之子窮採典籍其所考  
訂非第以敷華藻供遊覽述樂天鑿渠而南行北上便於通川  
紀元之建祠而雉文直道嚴於畏壘豈非吏治之津梁循良之  
型堇耶予不敏當盟沐而莊誦之矣

錢礎日日山志始於王仲光繼之文基聖周安期至伊人而  
芟繁訂訛摭摭遺佚參以已見其備美實過于前人故宜有  
積薪之歎也得天友先生序而此志愈不朽矣

### 中牟縣志序

吳彥芳

嘗論萬物師天地天地師自然古今治亂成毀極則必變變則  
必復倘亦一自然之理也予蒞牟二日大中丞賈公檄修邑志  
牟志燬於兵燹三十年矣毀盡而後成可期亂極而今治可致  
其將變而之復之候乎孔子言夏殷之禮徵文考獻古帝王有  
天下未有不相師者循厥事跡究厥精微徵其足不徵其不足  
此所以志也出胸中臆說無知妄作孔子無取焉考牟志一脩  
於明正德九年再脩於陳幼學先輩為萬曆二十三年三脩於  
天啓四年今薦紳家無藏本父老不能言遺事按圖索駿卽不

得○駿○得○常○馬○焉○圖○具○在○馬○乃○知○常○也○如○無○焉○何○哉○予○滋○懼○矣○於○  
 是○走○一○介○秦○晉○之○區○而○又○東○走○鄒○魯○齊○金○幣○南○適○吳○越○北○適○燕○  
 求○前○賢○承○是○牟○者○或○有○是○書○不○啻○若○揭○鼓○求○亡○子○然○夫○終○夜○有○  
 尋○幽○室○中○微○燭○曷○見○瞽○無○相○俵○俵○乎○不○知○所○之○予○滋○懼○矣○同○里○  
 徐○子○延○壽○予○自○京○師○挈○與○偕○來○謂○予○曰○昔○之○水○火○今○之○水○火○也○  
 披○駝○銅○於○棘○中○小○子○任○探○驪○珠○於○領○下○子○大○夫○任○時○在○孟○夏○烈○  
 日○炎○威○徐○子○則○筆○予○則○削○徐○子○討○論○之○予○脩○飾○之○六○閱○月○始○成○  
 今○夫○易○有○之○責○者○飾○也○致○飾○至○亨○盡○故○受○之○以○剝○剝○者○剝○也○物○  
 不○可○以○終○盡○剝○窮○上○反○下○故○受○之○以○復○復○其○見○天○地○之○心○乎○積○

陰○之○下○天○地○生○物○之○心○幾○於○滅○息○而○至○此○乃○復○可○見○蓋○消○長○相○

○說○到○易○上○確○有○至○理○

因○之○理○然○也○陽○剛○君○子○之○道○長○此○其○時○矣○大○中○丞○公○撫○豫○訪○古○

賢○者○之○所○以○治○豫○者○治○今○之○豫○諸○典○利○剔○弊○如○何○因○革○損○益○務○

○挽○合○自○狀○復○祭○崇○論○

必○講○求○盡○善○而○非○郡○縣○志○末○由○然○此○何○弄○自○然○也○哉○且○夫○所○謂○

自○然○者○天○心○人○事○物○理○合○焉○者○也○人○不○能○與○天○違○物○不○能○與○人○

違○天○不○能○與○人○物○違○况○牟○有○天○地○日○月○之○祥○有○山○川○封○域○之○險○

有○人○物○官○師○之○序○有○禮○樂○誅○賞○有○忠○孝○文○章○而○能○與○牟○違○哉○司○

馬○遷○作○史○記○述○陶○唐○以○來○至○于○麟○止○不○得○金○匱○石○室○之○藏○不○能○

成○書○說○者○學○才○識○世○罕○有○兼○者○故○史○才○少○周○禮○小○史○掌○邦○國○之○

志縣志所謂史也。是志成治亂成毀剝復之理亦祇還其自然已矣。自然天地且師之况於人乎。予無兼才而謂牟之志自予作誰欺哉。惟是無疆之大曆歸之朝廷不朽之盛名歸之大中丞公藉手得不辱命是則予區區之誠耳。若夫不忘徐子采輯功序列其名斯又予不沒人善云。

錢礎日曰中牟為三國股肱邯鄲肩髀得先生大文傳之覺昔年疆土煥然一新匪直邑乘生光已也。奇思緯以精理可作莊子內篇讀。

清江縣志自序

秦鏞

丁丑之冬鏞謁典銓得清邑。心念知之弗明處之曷當卽晉謁機部楊先生求邑志讀之先生曰無之此吾清三百年缺典也。盍補其缺鏞謹受教既蒞清方值多事餉檄如火郵如水災祲相繼民色如土竭蹶支吾日不暇給何暇問筆墨事然長安數語未嘗不耿耿在胸於是五年以來或晤對先哲則訪其舊或驅車田間則謀諸野或道逢碑碣則摩其字或惠投編帙則放其文積之既久寢以融貫辛巳之秋遂奮然舉事凡踰年而始竣既覆閱之其中係殘守缺未能更僕卒為未成之書嗟乎豈



以下歷敘難處

堂定本

不難哉大抵遺文既散藏書未出舊聞放失蒐葺不至此考據  
 之難也邑中先達雖多同志然或出或處或默或語未能共事  
 一堂商確訂詰此諮詢之難也山巔水涯足跡未至戶闕井觀  
 語焉不詳此親歷之難也名法擾外思慮亂中抽隙片晷之間  
 思寢食之際此涉筆之難也然且為其難而不辭者何也功  
 名在是乎曰否黜陟繫是乎曰否然則其為迂遠而非所急也  
 審矣夫以淺陋之識疎鄙之才處至難之勢舉不急之務然且  
 為之而不辭者何也凡以有苦心焉有微情焉清雖彈丸實江  
 省要會其間山川之源流田賦之本末兵農之利弊人物之盛

自問自答情文兼至

提出二意下分兩段

衰自洪永迄今荒落過半及今不為曰我未暇而委之後人  
 此更數十百年其為湮沒何可勝道今雖缺略紕繆未能成書  
 倘惠邀邑之先生長者爰取而更定之以貽後之君子俾有所  
 折衷焉庶猶存什一于千百也是則鏞之苦心也抑聚散離合  
 凡人之情鏞視清猶家也視清人猶父子兄弟也一旦罷去念  
 我清人思之不置何以自慰庶幾手此一編相對如履其地如  
 見其人不猶愈于托之夢想乎是則鏞之微情也夫心所默念  
 與情所自致則雖以其事之甚難與非所急也而遂罷棄不為  
 則固有所不可也若曰以文事節吏治而僭竊自附于述作之

事則鏞豈敢

錢礎日日清江無志自先生茲斯邑而有志志以人傳也人生三不朽立言居一先生之德與功其見于清江者既彰彰矣而立言又如足此所以死而不朽也

黃山志序

徐元文

名山川之有紀始見於周禮○余按職方氏○衡華霍代○皆見列諸

鎮山獨豫州不載嵩山而以雍州之華山須之○頗不得其解以

此嘆後世志載之難據而奇勝之湮沒於下州僻壤者多矣黃

山雖相傳為軒轅學道處然靈跡詭秘遊履罕到至唐永貞中

滿禪師始結茅靈湯泉其山之有志則始於行明惠然師歷宋

元符紹興明天順間皆經修輯而事實壘漏錄板漫漶今八水

禪師卓錫是山之硃砂菴始發愿重葺之綜其形勝事蹟類為

十卷自甲辰至丙午甫三年而告成問序于予予惟黃山發脉

遠自梅嶺透迤至婺之蓮華山綿延縣邑至張家山而北起伏  
 二百里始結為是山其見于圖經者三十六峰中包小峯嶺以  
 百數蓋其高僅一千一百七十丈而為東南諸山之冠者以宣  
 歙地勢積高其平地隱起已與天台天目兩山相埒則黃山直  
 踞其上而其支隴所分北倚九華西拓彭蠡南接廣信左挾湘  
 河右起桐汭以盡海壖莫不條分脉會朝拱羅列而為大江以  
 南之一巨鎮宜也然其載籍零落考証無自安知歷劫以後不  
 將復荒棄如唐以前時而開山倡教諸禪祖之苦心亦有不共  
 泯滅者公之汲汲為此其所慮遠矣余歷觀傳燈所錄西竺諸

佛多從神仙皈依大乘是山本以軒轅得名其煉丹上升之地  
 有不可得而踪跡者矣今八公嗣斷山禪師法暢演宗風于此  
 地山之變而為曹溪南嶽也是容成浮丘諸列仙之所不得而  
 爭者也異時子或得休假歸里門杖策來遊與師披圖以徧尋  
 天都石門之奇而浴于湯泉凌空濛以望雲氣也又為三十六  
 峯之間增一勝事矣

○移○仙○作○佛○可○謂○神○手○  
 ○結○有○不○善○之○思

錢礎日曰人知黃山為神仙窟宅而不知佛法總持全聚乎  
 此得此文拈出直放大光明矣蓋作志者始于宗門重葺者  
 亦惟宗門其文不得不歸美宗風是亦體也

星野志序

何 聚

周禮保章氏以星土辨九州之地所封域皆有分星觀妖祥以  
 詔救政訪序事而何氏註曰詔救政則人君知修省訪序事則  
 人臣懷警戒夫星麗乎天而求其應於地周初蓋已尚矣乃朱  
 子固云分野之說始見於春秋何也顧以時至春秋天人漸遠  
 於是測驗繁興代有專家余為詳考羣書立說多未有定爾雅  
 星紀斗牽牛為吳分野前漢史天文志曰吳為斗分野費直分  
 星次斗十度至女五度為吳越分蔡邕分星次吳越分野又為  
 斗六度至女二度皇甫謐星紀自斗一度至女七度是吳越分

而陳卓范蠡鬼谷張良諸葛亮譙周京房張衡其分次又皆曰揚州丹陽入斗十六度晉史天文志則自斗十二度至須女七度為吳越分野而隋史地理志獨與之符合○考○數○何○余竊怪謚晉人也○等○精○細○而卓又為晉太史令專其職其說各皆與晉史不同至宋史天文志吳越當斗女之分明清類分野書斗三度至女一度為吳越分乃元史則云斗四度三十六分六十四秒外人吳越分星紀之次所言似不可謂之不悉惟唐地理志獨曰潤為星紀之分蓋合週天計之一郡不能當一度辨之在微渺間胡為紛紛差別若是班氏曰諸郡有專地有專星潤界在吳其星分為何○了○語○妙○甚○

度次為何當必有能辨之者特為備載諸說以俟占天之學

賀天山曰余頗好言天官家諸說獨于九州分野之辨不能無疑此序詳考前史極是綢密結云備載諸說以俟占天之學最得立言之體

宗子發日讀此文五代史司天考序不得而美

錢礎日日考據星占博而能辨此序出而占天之學有歸矣其曰俟占天之學者謙也

曆法通考自序

梅文鼎

梅子輯曆法通考既成而歎心之神明無有窮盡雖以天之高  
 星辰之遠有遲之數千百年始見端倪而人輒知之輒有新法  
 以追其變故世逾降曆逾以密而要其大法則定于唐虞之時  
 今夫曆所步有四曰恒星曰日月曰五星治曆之具有三日  
 筭數曰圖象曰測驗之器由是三者以得前四者躔離朏朧盈  
 縮交蝕遲留伏逆掩犯之度古今作曆者七十餘家疎密代殊  
 制作各異其法具在可考而知然大約三者盡之矣堯命羲和  
 曆象日月星辰舜在璇璣玉衡以齊七政曆者筭數也象者圖

也○渾象也○璇璣玉衡測驗之器也○故曰定于唐虞之世也○然曆  
之○最難知者有二○其一里差○其一歲差○是二差者有微有著○非  
積差而著○雖聖人不能知○而非其距之甚遠○則差甚微○非目力  
所至不能入筭○故古未有知歲差者○自晉虞喜宋何承天祖冲  
之隋劉焯唐一行始覺之○或以百年差一度○或以五十年○或以  
七十五年○或以八十三年○未有定說○元郭守敬定爲六十六年  
八月○回回泰西差法畧似○而守敬又有上考下求○增減歲餘天  
週之法○則古之差遲而今之差速○是謂歲差之○差可謂精到○若  
夫日月星辰之行度不變而人所居有東西南北○正視側視之

殊則所見各異○謂之里差○亦曰視差○自漢及晉未有知之者○北

齊張子信始測交道有表裏○此方不見食者人在月外○必反見

食○宣明曆本之爲氣刻時三差而大衍曆有九服測食定晷漏

法○元人四海測驗二十七所○而近世歐羅巴航海數萬里○以身

所經山海之程○測北極爲南北差○測月食爲東西差○里差之說

至是而確是○蓋合數千年之積測以定歲差○合數萬里之實驗

以定里差○距數逾遠○差積逾多○而曉然易辨○且其爲法旣推之

數千年數萬里而準○則施之近用可以無惑○曆至今日屢變益

精○以此然○余亦謂定于唐虞之時○何也不能預知者○差之數萬

○西○說○最○精○細  
○歲○差○分○古○遲○今○速○里○差○別○南○北○東○

世○不○易○者○求○差○之○法○古○之○聖○人○以○日○之○所○在○不○可○以○目○視○而○器  
窺○也○故○為○之○中○星○以○紀○之○烏○火○虛○昴○此○萬○世○求○歲○差○之○根○數○也  
又○以○日○之○出○入○發○斂○不○可○以○一○方○之○所○見○為○定○也○故○為○之○嵎○夷  
昧○谷○南○交○朔○方○之○宅○以○分○候○之○此○萬○世○求○里○差○之○定○法○也○嗚○呼  
至○矣○學○者○知○合○數○千○年○數○萬○里○之○心○思○耳○目○以○治○曆○而○後○能○精  
密○又○知○合○數○千○年○數○萬○里○之○心○思○耳○目○以○為○之○精○密○者○適○以○成  
古○聖○人○未○竟○之○緒○則○當○思○義○和○以○後○凡○有○能○出○一○新○智○立○一○捷  
法○而○垂○之○至○今○者○皆○有○其○所○以○立○法○之○故○及○其○久○而○必○變○也○又  
皆○有○所○以○變○之○說○于○是○焉○反○覆○推○論○必○使○理○解○冰○釋○無○纖○毫○疑

于○吾○之○心○則○吾○之○心○即○古○聖○人○之○心○亦○即○天○之○心○而○古○今○中○外  
之○見○可○以○不○設○而○要○于○至○是○夫○如○是○則○古○人○之○精○意○可○使○常○存  
不○致○湮○沒○于○端○已○守○殘○之○士○而○過○此○以○往○或○有○差○變○之○微○出○于  
今○法○之○外○亦○可○本○其○常○然○以○深○求○其○變○而○徐○為○之○修○改○以○衷○于  
無○弊○是○則○吾○輯○曆○法○通○考○之○意○也○曆○沿○革○本○紀○一○卷○年○表○一○卷  
列○傳○二○卷○曆○志○二○十○卷○法○沿○革○表○十○卷○法○原○五○卷○法○器○五○卷○圖  
五○卷○是○為○曆○法○通○考○五○十○八○卷○其○算○數○之○學○別○有○書○曰○中○西○算  
學○通○謹○序

張秋紹曰以堯命羲和舜察璣衡為立萬世求差之法引經



治曆確當不易然尙書包括一部天官若置閏日食協時月  
正日五辰三正五紀度徵及生明死魄望朏之類靡不是載  
定九亦一言以蔽矣此等文此等書乃堪與經傳同功  
錢礎日日談天論數最易繳繞不了定九縱筆而出若數家  
珍二十八宿羅心胸安得不盡掃氛霧

中西算學通序

蔡 壑

吾友宣城梅定九以經義聞江以南而獨好曆象算數之學夜  
夜焉以為寢食每出游行笈中必有人不經見之書與手製測  
驗器顧猶搜訪不倦殘編隻字不惜重購或手抄以去蓋二十  
年如一日也其專篤如此余嘗以古聖人言道必本于天言理  
○見○俱○小○必徵于數舍數言理必為虛理故數雖六藝之一○指○明○精○粗○  
○一○貫○處○所必需射御與書無一不有數數之為學聖賢窮理格物之實  
際儒者所當知嘗有志學焉而輒苦其難定九告余曰不專其  
事不起其肩則讀易書難否則讀難書易易與難在人而已且

夫為學而不辭其繁且難，乃所以為易簡也。于是稍出其著

算學書，面相指授，晝漏未數刻，已了乘除大意，進而開平方立

方，帶縱諸法，卒業數日，瞭如指掌，乃信定九之言，不我欺也。今

之好古力學者，不乏也。語及算數，則頭涔涔欲臥，未嘗不有志

學焉，而深畏其難，如余者眾矣。然則定九之書，其可以不讀矣

乎？因取而授諸梓，以廣其傳。其綱二：曰古法，曰西法。其目九：曰

籌算，曰筆算，曰度算，曰比例算，曰幾何摘要，曰三角法，曰方程

論，曰勾股測量，曰九數存古。總曰中西算學通。定九之言曰：讀

吾之書者，一日有一日之獲，數年有數年之獲，甚或一日之獲

可以勝數年。又曰：學者患不專，專矣患不恒，始學患其無得也。

既學又患其自以為得，夫人日遊于理數之中，而夢夢然無所

知，甚不可也。乃少有知而堅其自是，其弊尤甚于不知。噫，此可

以知定九矣。定九又嘗病世之言曆者，或膠執古法，駭西法為

異說，而尊西教者，又自私其術，鄙古人為不足學。故自漢太初

以來七十餘家曆，皆為論列，其立法之大旨，與其久而必改，亦

不久決不能改之故，及古今雖代改憲，而實為踵事增華，有必

不能改者在。為曆學通攷一書，以補馬貴與文獻通考之缺，以

詳邢觀察古今律曆考之所未備。其說曰：世愈降而愈精者，惟

曆學為然。蓋天之學，與渾天、相表裏，自矜者，既之者，皆非。

即古蓋天之學，與渾天、相表裏，自矜者，既之者，皆非。

詳邢觀察古今律曆考之所未備。其說曰：世愈降而愈精者，惟

曆學為然。蓋天之學，與渾天、相表裏，自矜者，既之者，皆非。

曆而自羲和以來數千年共治一事者亦惟曆卽此見先聖後  
 聖一揆此心此理之不以東海西海而異夫何故天不變道不  
 變也蓋古今言曆未有詳確于此書者寧都魏叔子爲之序將  
 續出以告世而卷帙多今未能也然天下之大固多深思好學  
 其人其無有爲之表章者乎因序算學并及于此

錢礎日曰象數一源定九有用之學故中西算學通與曆法  
 通考寔相輔而行宜璣先亟表之而其言原本道術與衍宏  
 深令人有默識神解之慕

泰山輯瑞集序

余颺

泰山封禪之事其說始於齊桓公以爲王者受命之符管仲欲  
 止之而不能也則侈之爲瑞應之說其後秦始皇細博士諸生  
 之議除車登道勒石告成○來○歷○遠○泰山之有文字自始皇始也太史公  
 距始皇七十餘載載籍莫考但曰禮采太祝祀雍封藏皆秘世  
 不得知則前此之紀載可知已漢武惑于神仙遂以封禪爲不  
 死之名旁求經典博采古文怪誕而趨于鬼則又秦皇所不取  
 也太史公親從壽宮侍祀神語至于玉牒所書則曰書秘天子  
 獨與侍中奉車子侯上封其事皆禁可見當時所尚者但在祀

明眼觀破

神以獲福而不在乎炫詞以耀衆也。唯唐玄宗宋真宗磨崖泰  
 陰二碑鋪揚功德叙述撝謙鄙佚后之求仙誦荒主之誣神帝  
 王○頌言○非○謾○之文煌乎簡冊此亦山靈之弁衮矣。且夫以岱嶽之高萬物  
 之所交代群嶽之所朝宗上古類禋之典中世告成之文後代  
 所方之册上自帝王中自聖哲下至公侯卿士訖于遊人墨客  
 或以登封至焉或以祭告至焉或以宦轍至焉或以遊覽至焉  
 莫不皆有祝釐之章碑篆之刻流覽咏歌之篇探幽訪曠之記  
 瑞藻靈符苞華孕采蓋一登泰山而天下之文章盡于此也。前  
 此有岱志有岱史犁然備矣然煩者病瑣簡者病闕前者積薪

後者委草不有巨手編輯何以使煩簡中倫後先得所哉金陵  
 林果菴使君出守岱州既主斯山之祀常陪陟方之禮覽秦封  
 漢祠之遺跡考斷碑埋簡之舊文竊懼文獻之不證典冊之日  
 淪也。逃稽廣訪補失搜亡文以類編人以代系州居部列有倫  
 有則遂使名山靈文照耀寰宇介丘祕藏畢發丹青豈非斯文  
 之樂事山嶽之奧觀乎剗剔裝潢挾以宦閩予得受而卒業焉  
 叙次簡而核  
 首秦碑次漢禪想見始武之雄心既磨崖既陰字想見唐宋之  
 徽烈誦丘陵之歌吾夫子之馨咳猶存讀兩先生祠記鄒魯之  
 餘風如接至若曹陸之高吟李杜之遺跡高文巨篇依依乎盪

胸○決○皆○也○雖○然○前○人○之○遊○者○多○以○詩○縷○而○記○之○自○成○化○李○裕○始  
厥○後○連○章○屬○牘○不○一○而○足○泰○山○遂○專○為○覽○奇○探○勝○者○之○所○矣○不  
但○巡○狩○跡○荒○封○禪○輟○廢○已○也○孟○子○曰○登○泰○山○而○小○天○下○予○謂○讀  
斯○集○而○天○下○之○文○章○盡○于○此○也○

錢礎日日竟是一篇封禪文總叙子長無此簡雅長卿遂其  
流麗真足為輯瑞集增長氣色煌煌乎大篇也

泰山輯瑞集序

蕭震

果菴使君至自泰山余既相見問別後無恙再問諸石無恙否

使君曰唯唯余家故有唐宋磨崖帖亟欲索許公書成勝蹟問

頌石使君曰為前一守削去鐫他字次及磨崖碑以人言不果

嗟乎燕許為有唐一代兩大手筆千載而下得其片字當寶愛

之不遑乃有如泰安前守者余誠不知天壤間有此人使君以

前守諱其事故集中不載余謂世不乏若人述此以告後之守

此土者庶使君表章之功竝貞珉不朽矣雖然從來物不劫于

等曠達 力兵水火則劫于人事理之常無足怪者當許公立石時豈知

茲○碑○至○千○載○而○始○壞○至○如○唐○宋○二○帝○磨○崖○為○碑○欲○與○天○壤○共○敝○  
乃○一○厄○于○倉○父○幾○滅○復○存○不○識○此○後○或○伯○十○年○或○千○餘○年○或○數○  
千○年○而○後○壞○未○可○知○也○何○若○七○十○二○君○不○立○壇○石○不○勞○師○旅○自○  
有○可○以○千○古○者○是○可○為○漢○唐○諸○君○子○進○一○轉○語○非○為○磨○石○之○役○  
夫○解○嘲○也○并○以○為○序○

錢礎日日嘆前守之俗正以形今守之賢末段說碑石成壞  
處真是達人之論彼杜元凱刻碑一立峴山一沉水中但知  
陵谷有變而不知石有時而磨滅者惜未得先生文令蚤見  
之

### 泰山輯瑞集自序

林杭學

尚書紀嶽各以方名而獨稱泰山為岱宗明乎萬物由此交代  
而群嶽于焉朝宗以首尊之也自虞帝東巡望秩覲后輯瑞五  
載一舉而有周十二歲一朝諸侯焉明堂巡狩之典三代同之  
後世秦漢雄主誇功好譎曲儒方士競相粉飾以為神異而封  
禪始興且遠徵於無懷慮義之前以為七十二代莫不升中受  
命告成功于此後世之君不得刻石紀號輒有盛德未至之慚  
而其臣下亦以不獲陪封從祀為沒世遺恨則甚矣三代之後  
未有不以封泰山為瑞應之極者矣顧吾謂不在此九州內外

名山不可區計其穹窿蟠巨之形勢與嶙峋窈窕之勝觀或有  
 甲出于泰山之上若夫功侔天地秩視王公出震配乾函育品  
 類膚寸之澤不崇朝而雨天下瑞莫大乎是然於穆者天而非  
 景星卿雲無以昭其祥厚載者地而非神芝朱草無以表其秀  
 則靈異者泰山而非金泥玉檢亦無以彰其盛至今日而欲輯  
 泰山之瑞非發藏牒之錄而採磨崖之銘於何徵之但封禪之  
 事屢世不一遇上古帝王堙瘞之文既祕而不錄其勒諸碑珉  
 者又往往侈張功德而于山靈奇形勝之異槩多未及而得之  
 歷代星輶遊屐所至各人才士記載篇什能使山之瑰奧畢呈

秀傑備狀乃知巡狩之禮湮封禪之儀邈而泰山巍然冠絕於  
 寰寓者未始非記載篇什之所表章此有志蒐輯者摩挲掇拾  
 得一字于斷簡殘碣中輒以為景星卿雲神芝朱草之瑞不是  
 過也余以丙午仲秋奉命守岱治及二朞百廢修舉乃覽介丘  
 之勝訪仙問之遺登天門憑日觀求古帝王封禪之文於開元  
 祥符以前者不可復覩而各人才士之記載篇什亦多泯佚無  
 存其存者又剝蝕委翳于風雨荆榛而莫可問使後之人無由  
 彷彿玉帛會同與夫千乘萬騎之盛而非攀躋親歷亦無由想  
 其襟河帶海近盤三州遠俯八極接帝座而小天下之槩不幾

令○泰○山○之○瑞○湮○沒○無○聞○等○夫○景○星○卿○雲○神○芝○朱○草○之○不○可○常○見○  
未○始○非○守○土○者○之○責○也○爰○于○退○食○之○暇○殫○志○校○讐○窮○神○搜○採○取○  
岱○史○州○志○二○書○汰○其○蕪○濫○補○其○闕○畧○得○詩○文○各○二○卷○名○為○輯○瑞○  
集○讀○是○集○者○自○周○秦○迄○今○巡○狩○封○禪○制○度○之○盛○名○人○才○士○題○咏○  
之○奇○莫○不○目○披○神○遇○如○親○歷○而○躬○逢○焉○若○夫○配○兩○儀○冠○群○嶽○拱○  
扈○京○畿○濯○輪○漚○運○神○功○利○濟○之○大○皆○備○見○于○篇○簡○中○而○其○他○巖○  
壑○瓌○麗○之○觀○烟○雲○變○幻○之○態○織○臚○紋○列○蓋○有○是○集○而○恍○惚○石○函○  
玉○牒○阿○閣○神○房○倏○呈○畢○現○使○天○下○咸○知○泰○山○之○靈○異○而○不○僅○如○  
景○星○卿○雲○神○芝○朱○草○之○間○世○一○出○其○為○瑞○也○孰○大○于○是○昔○司○馬○

○應○到○底○  
○總○得○有○力○  
○此○意○更○遠○  
○結○瑞○字○老○

堂定本

長○卿○為○漢○一○代○詞○人○馳○檄○西○南○宣○諭○叩○熒○君○長○立○勳○絕○域○可○謂○  
盛○矣○猶○恨○不○得○登○泰○山○躡○梁○父○而○托○諸○身○後○之○頌○乃○余○請○纓○滇○  
南○外○慕○介○子○之○功○播○文○翁○之○化○今○得○從○祭○封○內○山○川○之○義○主○祠○  
泰○時○揖○峯○巒○於○几○席○探○輿○杖○於○嶺○涯○而○考○古○王○會○封○儀○之○蹟○與○  
劉○崖○琢○壁○之○文○輯○為○茲○集○不○僅○祕○諸○巾○器○藏○諸○栢○梁○為○希○世○罕○  
覩○之○瑞○是○又○余○之○私○幸○于○古○人○者○矣○

○此○意○更○遠○

錢○礎○日○日○余○嘗○登○泰○山○取○古○今○泰○山○詩○勒○為○一○編○頗○有○可○觀○  
然○亦○僅○窺○一○斑○耳○果○庵○乃○合○詩○與○文○而○成○斯○集○無○美○不○收○可○  
謂○全○矣○其○集○以○輯○瑞○名○意○義○深○遠○篇○中○反○覆○照○應○發○明○瑞○字○



甚悉其文亦與金泥王檢並傳不朽匪直鋪張盛事已也

文瀾

世

堂定本

建文年譜序

趙士冕

先王父中丞公同氣者三仲冢宰公季亞魁公共得孫十有五  
人而先伯濬兄即亞魁公之長孫也兄弟讀書一堂互相師友  
伯濬尤資性過人博洽今古為士林祭酒將貢於鄉矣遭世滄  
○○便○是○史○仲○彬○程○濟○一○流○人○桑遂擲去儒冠野服隱遁其篤學好義如此平生多述作而貧  
不能授梓余昔守潤州時為鉞石室談詩一種已膾炙人口今  
者同學故人復捐俸為鉞建文年譜蓋其盛事也余適游吳門  
見劄劄氏之多譌也○泣○鬼○神○而○動○風○雨○因嚴為較讐然膏繼晷凡幾晝夜而後魚  
魯始正繙閱之次悲從中來不禁掩卷流涕拍案起立曰嗟乎

文毅序

卷四

建文年譜一

十

十峯草

以讓帝之生而孝友長而仁慈任賢納諫求治慕古非成康之  
 流亞文景之儔匹歟乃天篤降喪大位弗終牢落江湖垂四十  
 年黃屋而衣壞色玉食而乞沿門誠開闢以來未有之奇變雖  
 百世以下聞其事者猶感憤於邑不能去懷况生當其代者乎  
 此伯濟年譜之所自作也夫帝王一代之史有實錄有本紀未  
 聞有所謂年譜者茲曷為而譜年也日年號而革除矣則讓帝  
 為無年矣讓帝既已無年將儼然端拱在位之四年猶若沒若  
 亡况壬午以後又誰存其年乎然則譜建文之年者所以存建  
 文之年也不獨存建文四十年在位之年併存建文四十年出亡

之年也存建文四十年出亡之年雖南面之斧辰已移而西山  
 之骸骨未瘞則建文一代君臣固居然在也雖謂建文享國四  
 十餘年可也夫如是則年譜之作又何嫌於剽乎嗚呼推先兄  
 之志即先兄之行使其身受國恩捐軀報主亦何讓於楊榮諸  
 公哉惜也其不遇也篤學好義如此而竟以隱遁終也悲夫第  
 士冕書於半塘之僧舍

張秋紹日續帝紀為師譜似出創筆而實從公在乾侯帝在  
 房州兩書法悟來快哉建文享國四十餘年一語竟令長陵  
 閨位矣有文潛先生譜之又得赤霞先生序之此齊之南北

史氏也  
錢礎日日革除以建文蒙洪武奪之惟恐不促年譜以甲子  
寓建文續之亦惟恐不延得正人正論力為洗發覺穀梁存  
陳之說深合經旨何休謂黜周王魯亦不為無見矣彼有疑  
後身從亡二錄皆贗本者獨何心耶

致身錄序

立案老法

丁澎

周太伯以天下讓王季逃之荆蠻民無得而稱吳人欲立季札  
願附子臧之義棄其室而畊於野晉重耳出亾里克迎於翟不  
從請更立他子古聖賢視棄萬乘如脫躡委身去之不再顧蓋  
深痛乎綱常倫紀忠孝節義之所係甚重實有大不忍於中非  
徒以傳天下後世之名也名者固亦天之所甚惜也吾讀史忠  
獻致身錄重有感焉建文帝仁君也從亾諸臣守義之士也漢  
景帝用晁錯謀削諸侯地七國以反迨勝國亦有靖難之事然  
漢釁卒發不旋踵而滅燕耶一呼竟至不拯何哉曰以建文帝

之讓有以成之也。成之者何以其無使有殺叔父名而知之也。從來開代之後不再世而內難必作如唐貞觀六月四日事。宋太平興國之殺弟姪且不憚名與義而斷然忍行之。况稱兵犯關九廟震驚尚恫然於叔父之親。令臨敵者束手以縱其剽悍之勢焉。不待金川失守以知帝之不復國無疑也。故曰帝之讓有以成之也。然竊怪當日從亾諸臣皆命世才。初議欲依西平侯。是時黎民未內附。沐國擁重兵於外。外連搖狗。內結黔寧。一成。一旅。天命人心未去也。不則效太伯之君蠻重耳之居翟。以待其變。不亦可乎。諸臣寧不計及此。要知建文帝之所必不為。

此一事非不背為亦不能為

故止有議耳

者也。建文仁君也。諸臣之心季札之心也。若以為先君無廢祀。人民無廢主。社稷有奉斯亦已矣。又誰怨乎。帝既欲為季札。諸臣自不能為狐偃。趙衰。誠有所大不忍於中。自此負羈紲以從之。死而靡他也。故曰讓之名。諸臣實共成之也。外史相傳從亾者二十有二人。是二十二入者。藏名惟恐不密。如衣葛翁東湖。樵雲門塞馬之屬。若滅若沒於殘編斷簡之中。思考見其名而終不可得。自史公仲彬之書一出。其爵里氏籍始犁然大著於千載。豈非天之甚惜其名。不欲湮忠臣義士生死存亾之氣。故直歷二百年。至不諱之世。而後見耶。有明如土木之變。英宗不

宜復辟而有國革除之際讓帝不應失國而終於不返乃奪門  
波復起定策者皆奸邪而矢志從亾者多奇士抑又何也或以爲國家  
養士之報逆闖肆焰宗社頓移以身殉者僅得比建文時從亾  
者之數孔子曰才難吾謂戡亂佐治之才難而捐軀靖節之才  
爲尤難也致身錄者雖與日月爭光可也忠獻十一世孫在柱  
與余善重刻之於家乘於是乎書

錢礎日日讓皇仁人也實有不忍於中文具定識遂爲千秋  
至論而行文踈蕩饒有太史公伯夷傳筆意

### 遜國臣事鈔序

呂陽

遜國臣鈔者何靖難時之所爲齊黃黨也既爲靖難時之書不  
應於是乎出而於是乎出者爲尊者諱耻爲親者諱疾也既爲  
文皇帝靖難之書下應於是乎終出而終出焉者春秋之義不  
以私廢公不以虛美蔽實錄也主人習其讀而問其傳必銜此  
書然而練子寧在猶當用之此書雖出於文皇之時無悔也昔  
想見寬大氣象唐太宗於建成元吉之難禁門喋血星日無輝而建成爲未立  
之公子建文爲南面之長君魏徵特管仲之流季孺乃夷齊之  
比其節重其義高則其事宜徵而令史直書文皇之心與太宗

之心一也。或云全身遠害亦是天常不應厚責人以死不知人  
正論侃侃絕不固護語  
 臣之義以死為正徐屋韓郁諸君且不可而況于胡解等乎今  
 之不死者特以文文山未入柴市之年暫囚土室謝君直老母  
 在堂之歲甘作游民為鼠肝蠱臂觀耳律以人臣之義無一而  
 可生也無一而可生將誰為見此死者而傳之西楊嘗有言曰  
 我脫與周是修同死誰為是修傳者噫愚矣是修死與如是修  
 者死天下後世皆能傳之何必西楊且西楊雖傳之不榮也周  
 氏文恪文簡兩公既於今合而傳之矣胤子鴻章又合而傳之  
 于今矣噫西楊愚矣兩文公於朝章國是靡不淹通如南宮之

奪門大禮之廷諍紅丸之罪案皆有疏鈔藏諸秘閣而獨書此  
一部全史數言括盡  
 者先之也且夫南宮之變在復辟大禮之變在宗祧紅丸之變  
 在聖躬未有若遜國之鈔之重也遜國之鈔重故先之也雖然  
 此崇禎以前事也兩文公既捐館於崇禎之前則凡崇禎以後  
 之鈔兩文公為北史之絕筆而鴻章為南史之僅存吾見其披  
 髮纓冠而執簡以往也噫予懼矣懼其不為死事臣而并為徐  
贊歎極矣  
 韓諸子之不逮也然則鴻章者史家之孝子亦忠臣也

呂誠之曰遜國忠臣事往周儀部仲馭最為詳核每與酒酣  
 擊節談之恨不及見全五此序歎賞鐵筆

錢礎日。日胸有月。且筆有陽秋。鑿鑿乎其言之可當。一則信史而章法句法字法尤在唐柳宋王之間。

堂定本

五朝三楚文獻序

高世泰

楚之有文獻尚矣。余嘗思之。道統自孔孟後。歷漢晉隋唐中絕。千年。至濂溪周子。而始接孟啓程。以迄今茲。吾黨因推為再生之仲尼。而周子固楚產也。即是一端。後世言文獻者。雖為三楚首屈一指。誰曰不然。余自庚辰承乏楚衡。歷三年而畢。兩試。每巡課之暇。輒偕屬吏諸生。尋訪先賢遺蹟。或釐俎豆。或表墓間。必簡舊錄為左證。顧其書絕筆於嘉靖末。麟而後。此慶曆昌啓諸朝紀載。闕如。爰下檄全楚。徵取而十三郡縉紳。譽髦各搜其鄉哲言行事實。次第薈萃。以來陳于几席。余獲寓目。一時詫為

○二○程○亦○生○黃○陂○署○中○看○來○楚○真○道○航○聖○蹟○

大觀奉為國寶會余任滿告歸暫輟鉛槧癸未歲暮避地湖濱

乃出舊篋繙閱之謬率已意隨手筆削分為十六門編為若干

卷既成編作而歎曰楚材之盛其猶積薪居上乎○如○此○說○緣○蓋自安陸飛

龍顯陵成鼎翼軫為之增光衡寨為之增峻江漢為之增波繇

是人文應之試觀百餘年來以理學則有若耿尙書恭簡詹學

博冲默諸公以孝義則有若李觀察鑑池官文林古愚諸公以

相望則有若張太師文忠何太傅文毅諸公以將略則有若方

司馬金湖熊經略芝崗諸公以翼儲則有若郭少保文毅樊太

常友軒諸公以擊璫則有若李吏垣太清楊總憲忠烈諸公以

殉節則有若奚少叅默齋賀閣學文忠諸公○即其他吏治文學

下至一行靡不犁然大備何鄆郢人物偏與廟靈國脉相為繫

屬占治忽盛衰之運○而○有○體○若此哉雖求其論定未能一語遽判要其

為後來考鏡之林不可少也溯泰之少也從先忠憲公家會數

聆緒論於楚稱某公端品某氏名家中心藏之○述○往○思○來○欲○悠○朕○淚○下○今有此錄即尙

論有據而就正有階可不謂幸乎而楚之父老子弟仰止於斯

宜無不為觀感興起也已

張秋紹曰從道統說入而以世運作收得囊括衆材總斷一

代之法真燕許大手筆



錢礎日日黨禍始江陵奪情寇禍終武陵奪情卽三楚可該  
天下先生承傳忠憲夙有定衡胸具全史借張楚以憂楚更  
借憂楚以憂世妙極吞吐波瀾讀者須味其言外之旨○彙  
旃先生留心文獻節培昆季善讀父書今嵩岑李公特爲之  
表章梓而行之則此書垂于天壤並不朽矣豈祇爲三楚生

色耶

讀史方輿紀要序

顧祖禹

客謂顧子曰子所著方輿紀要一書集百代之成言考諸家之  
緒論窮年累月矻矻不休至於舟車所經亦必覽城郭按山川  
稽里道問閩津以及商旅之子征戍之夫或與從容談論考核  
異同子於是書可謂好之勤思之篤矣後有起者考求險要辨  
別攻守遠而周知天下之故近而圖度都邑之間非子之書何  
所適從焉余曰否否不然古人有言尺有所短寸有所長明於  
匠石之任者或昧於雕鏤之細子也未嘗沂江河登恒岱南窮  
嶺海北上燕然間有涉歷或拘於往返之程或困於羈旅之次

不獲放曠優游博觀廣詢間嘗按之圖画索之典籍亦舉一而  
廢百耳又或了了於胸中而身至其地反若瞶瞶焉所謂所見  
異辭所聞異辭所傳聞又異辭者不可勝數也其足據乎且孫  
子有言不知山林險阻沮澤之形者不能行軍不用鄉道者不  
能得地利夫論兵之妙莫如孫子而論地利之妙亦莫如孫子  
使信余之書而不取信於鄉道譬之掩耳而求聞閉目而求見  
所悞必多矣且夫地利亦何嘗之有哉兩關劍閣天下之險也  
秦人用兩關却六國而有餘迨其末也拒群盜而不足諸葛武  
侯出劍閣震秦隴規三輔劉禪有劍閣而成都不能守也故金

知○用○人○以○守○險○所○謂○在○德○不○在○險

城湯池不得其人以守之曾不及培塿之丘九濫之水得其人

卽枯木朽株皆可以爲敵難是故九折之坂羊腸之徑不在邛

峽之道太行之山無景之谿千尋之壑不在岷江之峽洞庭之

津及宥之墻有時百仞之城不能過也漸車之澮有時天塹之

險不能及也知求地利於崇山深谷名城大都而不知地利卽

在指掌之際烏足與言地利哉善乎孫子之言曰我不欲戰雖

畫地而守之敵不能與我戰我欲戰敵雖高壘深溝不得不與

我戰然則變化無窮者地利也地利之微圖不能載論不能詳

而變化於神明不測之心所謂可以意會不可以言傳者乎故

日方圓奇偶千秋不易也伏羲以之畫八卦大禹以之演九疇

伍兩卒旅千秋不易也武侯以之列八陣李靖以之變六花城

○破畫腐儒鄙見

郭山川千秋不易也起於西北者可以并東南而起於東南者

又未嘗不可以并西北故曰不變之體而為百變之用一定之

形而為無定之準陰陽無常位寒暑無常時險易無常處知此

○此○方○是○胸○中○智○謀○

義者而後可與論方輿使銖銖而度之寸寸而比之所失必多

矣吾嘗考蒙古之用兵奇變恍惚其所出之道皆師心獨往所

向無前故其武畧比往古為最高彼豈嘗求之於山海之圖里

○自○翻○已○案○可○為○知○者○道○

道之志哉然則求地利於吾書無乃猶是刻舟之見乎吾慮舉

足動步或將有礙焉者也客其益廣所聞無過恃吾書也已

錢礎日曰宛溪顧子命世才也所衡古今慷慨籌畧著等身

書不輕示人余嘗慨輿圖職方諸書詳其名不得其要述其

迹未悉其紀形勢具矣于戰守興亡得失之機險易阨塞控

制之道或未備焉向于華子商原得讀顧子方輿紀要一書

而卒未見其全也一日與王子雪岫論及衝口臚誦有如列

眉遂亟梓其序聊以識顧子之一斑益歎吾雪岫之好學為

不可及云

讀書簡要序

彭士望

先○從○學○術○說○起

天下之治亂繫於學術未有學術不素具而足以有為於天下者也三代而上有學而無術而放桀遷桐居東討叔皆有自然之窾郤曲折赴之以無失天理之正馴至戰國以暨後世之偽儒則有術而無學堯舜亦世事之名沿緣已私以人國僥倖雖至於殺身而不悔王文成謂漢唐宋之有大名於世者不過得鄉愿之似而顧命已為狂嗚呼難言之矣且夫學術未有不由於讀書者也秦皇以不讀書愚黔首明太祖以讀書愚黔首仇士良以不讀書愚其君明之奄豎以讀書愚其君自制藝盛而

到○讀○書

次○說

天下士人之讀書誤進內大鑑編自監宦而人君之讀書愈誤  
 此積重難反之勢涓涓炎炎以有今日詩書有時而不驗聖賢  
 有時而不信天地鬼神有時而不靈俾俊傑利益萬世之言曾  
 不獲一時之用仁人志士爲之呼捨飲血徒以其書沉之井泥  
 傳之異代博後人之一喟嗚呼可不謂大哀耶夫尼山之學不  
 妨於人不知而必不可無朋來之助卽大蹇亦取資於連碩世  
 未有讀書而無友朋亦未有無友朋而可擅言讀書者也予童  
 年卽知求友五十年來銷亡殆盡聰明才辯之士近益爲末流  
 之所驅煽靡有屆極常與易堂諸子不自量其力之不及徒思

有以救之救之幾不免自沉滅頂之懼窮年兀兀自分槁死不  
 謂包山有石樵先生焉予十年前卽知有石樵自魏冰叔始也  
 丁巳夏石樵特爲予命千里之駕相見拜起見其人視其行事  
 探其學術之所由來與之語生平及天下事聚旬日而知其托  
 基於讀書簡要說之三千言事無巨細遇無窮達世無阻夸與  
 人無智愚賢不肖讀書無古今經史稗雜皆一本於實用實用  
 者簡要之所自出也而其工非一日之積一人之資一行一官

之庇大之貫穿數千年之成事包六合之內外與風雨雷電喬  
 嶽滄海互爲翕張細則敝屣敗繻啜菽飲水食豕祝鷄一瞬一

息一嘖一笑皆有皇帝王伯之故以相取於無窮此子琴張桑  
 戶之相與於無相與莊惠之得之濠上有未易一二為人言者  
 也於是相與友齒兄弟如易堂進程山而溫泉天峯北田瑞竹  
 劍江毘陵稱朋來焉石樵自述著是說垂十年其遊自滇黔而  
 齊魯而燕於以周知天下人之情偽四方之扼塞形勝不為不  
 深自王侯將相下迨愚夫婦工賈窮氓賤隸方伎之徒不為不  
 久且熟三四年間所經歷戰爭攻守饋餉財賦吏治民生人  
 之治忽常變安危成敗贏詘損益得失進退臧否何去何從  
 何革石樵固已了然於心了然於手而獨不得了然於行

與事則亦姑存是說以為名世讀書之法之用夫後世豈遂無  
 知子雲者哉石樵為予言是說出人罕再讀立義簡要而人或  
 以為窮大失居詞章之學其蔽久矣歐陽永叔蘇子瞻既成進  
 士益慚恨其取科第之文盡舍之以求進於古而其文章遂以  
 名天下而傳後世而况億兆人生命之所維繫千百年世運國  
 脉之所丕基一代之習尚風化所為瞻矚豈翳易事而不極深  
 研幾窮險阻而求簡要而欲捷得速成之資勢利也耶抑象山  
 之言曰我雖不識字亦須堂堂還我個人陽明先生曰心學不  
 明識得一字祇增一病則至簡至要之法固無過於立志秉心

○堂定本  
○臯○夔○稷○契○何○書○可○讀○又○日○宰○相○須○用○讀○書○人○宜○互○用○之○是○則○石  
○樵○之○微○旨○也○矣○

錢礎日日讀書遊山水總是一事太史公出遊名山大川其  
得力處全在探禹穴以其讀書多也石樵先生所遊幾遍天  
下而隨遊隨讀輒得簡要所在此讀書之法所以與遊俱進  
也躬菴此文逐層發明而要歸之簡要上末復于立志秉心  
說出先生微旨真知心之言

三國兵要抄序

傅占衡

○四○字○便○生○發○二○篇○文○字

庚辰夏予客寶應笥中僅齋三國志一部時時讀之反覆再過  
因取其御兵制敵言最要妙者錄為一冊但依傳次不以事為

先後其互備者或兩存之中間兼用本註所載漢晉春秋及吳

曆蜀志江表傳諸書魏志特多蜀最稀簡陳壽固云先主機權

幹畧不逮魏武矣他棄取芟截皆出一時意不能無遺也寶應

北達射陽湖南通廣陵江於下邳最近廣陵魏文帝望疑城波

濤洶湧而還軍處也數百里內則元龍父子之豪臧洪之烈張

子綱陳琳之文皆在焉使何大將軍聽孔璋言卓不至雒天下

亦未必大亂也。予謂與孫破虜勸張溫斬卓魏武當誅元惡之言同其先識而志以章表目琳過矣。此冊錄竟令劉君適見顧

時江淮間大旱蝗蔽天劉有憂色予曰君不見曹操與呂布相

攻時乎是歲蝗蟲大起穀一斛五十餘萬錢百姓相食操軍資

已盡猶能藉黃巾精銳為兵卒定兗州今天子明聖令行萬里

外而文武諸大臣徒為白繞畦固所困何哉君家豫州有云求

田問舍言無可採正坐許汜輩多耶劉歎曰子之言是也

魏冰叔曰陟處接處步步出人意想之外文只三百五六十

字感慨古今中藏大議論頓挫含蓄不露而英氣已逼人此

等文雖起龍門昌黎廬陵為之豈能有過

錢礎日日敘次只數行餘皆閒文字立格最高然實敘處字

字老靠閒文字處乃是作者之意○當庚辰間奄豎用事外

將跋扈故借古隱約言之慷慨不露



十國春秋序

魏禧

錢塘吳任臣撰十國春秋成以示寧都易堂魏禧而屬之敘禧  
 不敏不敢辭于是敘之曰史才之難也久矣世之言史者率右  
 司馬遷而左班固禧嘗以謂遷當以文章雄天下史之體則固  
 為得蓋史主記事固詳密於體為宜遷則主於為文而已文欲  
 略而後工者則勢不得更詳而歐陽修五代史亦於事為略至  
 十國尤不備任臣生七八百年之後傳聞濶絕書籍散亡毅然  
 起而補之其功甚鉅事亦最難禧讀其書采擇詳博而精於辨  
 覈為文明健有法○二○語○斷○定○自史記漢書五代史而外豈亦有能先之者

哉○禧○惟○天○下○之○勢○分○之○久○則○必○合○合○之○久○則○必○分○而○其○自○合○而○  
伏○之○分○也○天○下○魚○潰○肉○爛○不○可○收○拾○當○時○所○號○為○豪○傑○者○非○有○殊○  
 尤○絕○異○之○才○其○德○力○皆○不○能○相○一○峻○法○重○斂○戰○爭○不○休○生○民○之○  
 苦○於○是○為○極○然○吾○嘗○觀○分○崩○之○際○其○人○才○每○為○特○盛○蓋○天○下○之○  
議○非○經○生○家○言○治○禮○法○明○而○風○俗○厚○人○心○安○和○雖○有○奇○才○異○能○皆○帖○首○抑○志○以○  
 就○繩○墨○及○其○亂○也○憤○鬱○而○思○動○鋌○而○走○險○上○焉○者○紀○綱○法○度○不○  
 立○而○其○下○得○肆○志○妄○作○以○自○盡○其○才○故○自○周○秦○之○末○以○及○五○代○  
 莫○不○有○特○起○之○英○躡○厲○沈○深○自○奮○於○功○名○王○侯○將○相○皆○以○智○力○  
 相○取○而○非○有○倖○得○當○其○時○有○大○力○者○出○而○驅○之○則○合○無○大○力○者○

崇闕之

驅○之○則○分○彼○帝○制○自○為○角○立○爭○雄○長○者○要○皆○韓○彭○馮○鄧○秦○李○曹○  
上○下○千○古○具○大○觀○見○石○之○流○亞○然○後○知○天○下○蓋○無○時○而○無○才○顧○所○以○用○之○者○何○如○耳○  
 分○崩○之○際○最○不○足○數○莫○如○後○五○代○而○十○國○中○人○才○炳○烺○可○觀○者○  
 既○已○如○是○任○臣○是○書○豈○獨○補○古○史○之○闕○取○備○見○聞○云○爾○哉○士○不○  
 幸○生○其○時○當○思○所○以○自○奮○毋○徒○碌○碌○以○苟○全○性○命○為○自○得○且○觀○  
應○其○得○則○知○十○國○之○能○分○者○何○在○觀○其○失○則○知○十○國○之○終○於○分○而○  
數○語○道○破○十○國○情○事○不○能○合○者○何○故○夫○能○以○智○力○爭○城○略○地○而○不○知○定○天○下○之○有○規○  
 模○能○屈○志○協○力○以○得○將○士○之○用○而○不○能○深○仁○厚○澤○以○得○民○心○鳴○  
 呼○此○有○志○之○士○所○為○掩○卷○長○太○息○者○也○任○臣○志○行○端○慤○博○學○而○

思深著有山海經廣注字彙補已版行而是書關係古今尤大  
惜無有能授之梓人以傳于世者傳曰人之欲善誰不如我吾  
知其必有望矣

毛稚黃曰上下古今英偉磅礴于當世之務大有深心不徒  
胸具全史而已

錢礎日曰議論雄暢而文殊圓轉排宕此等文在西漢間未  
知誰為伯仲然其通達得大體要不在董賈諸公下

歷代史表序

萬言

史遷有言虞卿非窮愁不能著書夫窮愁者通樂之對也人幸  
而處通且樂之境四體既安百用具備天下之物日進而攻取  
于前吾方寸之心肆應之猶不暇其得留餘地以自盡於文字  
者幾希矣窮愁者不然○非深于窮愁者不能為此言一身之外無可以役吾情則其志專一  
日之中無可以息吾體則其思苦專故所入者深苦故所遇者  
旨宜其透脫流露而悉併之楮墨之上也乃昧者猶以我之所  
無羨彼之所有而不自重其所得焉何怪彼之鼓其空腹利舌  
以日加於我乎然吾觀自漢以來儒之見用於時如賈鼂董劉

之輩既發為大篇獻其所可替其所否於以上為德而下為民  
 矣其在野者亦相與鑽研聖人之遺經作為訓故授之其徒以  
 傳之於後毛伏而下皆其人也求所為流連光景抒寫性情如  
 後世序記閒適等篇未之前聞蓋晉宋之季始漸盛焉彼其撫  
 時觸事非不可以各見所志而於斯世之治亂生人之休戚竟  
 漠然其無與則雖積之至於充棟終無當乎著書之數也然而  
 志乎大者其為力難志乎小者其為力易故一輩學人其陋者  
 固惟程文是殉即稍知撰述者不過鬪異於泉石之間爭新於  
 投贈之際以自適已事而已吾甚慨夫古立言之目必非此輩

足以當之而思得有心者以一釐此懷也先高祖中府府君向

善之盛何事詳悉

以下鋪叙一門著

有有明經濟文錄一書分開國保治六部及兩京十三布政司

四裔諸條而以列聖御製名臣章疏暨私家論說充之言因欲

上溯宋唐迄於兩漢益以儒林講學之說而去其重複削其附

會者以增於首簡又自秦漢逮明朝廟之樂章士大夫之歌詠

有得於感發懲創之義者亦合為一編分為正變序而傳之其

他游適自好之詩文則別為外集以恣山人游士之取擇焉蓄

之數年以授經去家作輟未就叔父季野先生幼嗜史學于二

十一史之紀傳書志貫穿歷落可指諸掌間以暇日為東漢三

國後諸王大臣年表以補舊史之缺而尤詳於明自內閣九卿  
 以至卿貳督撫并留都亦備列焉以謂異日史館中傳其行事  
 欲求其封拜遷卒歲月一舉目輒得之而以某人治以某人亂  
 因之可考也嗚呼叔父處於世亦窮矣八歲喪吾祖母九歲喪  
 吾會祖母十有八歲祖父舍之適吳又明年亡於粵二十八歲  
 始受室不五年而又死計三十八年中六徙其家兩更大亂今  
 贅居東城傅氏敝屋兩楹右為臥房左為客坐雞埭爨具雜然  
 竝陳壘敗瓦為門賓至俯首而入質疑辨難如響應而莫窮既  
 退復手一卷不輟雖三女號饑叔母病臥呼藥聲犁然勿郵也

昌黎子曰使子厚斥不久窮不極雖有出於人其文學詞章必  
 不能自力以致必傳如今無疑也則此轆軻困抑固天所以驅  
 叔父而成之學者乎言曾有詩云窮愁聊著書書成頗自樂支  
 將千載富慰此一朝約則謂不以無窮之歡適輕去其旦暮之  
 寂寥者猶未為著書有得之言而吾叔姪固已日享太牢而奏  
 九韶矣

錢礎日日著書雖窮愁事而實未嘗不樂也貞一述祖德揚  
 叔父之美極其鋪張而復以其所自樂優游諷咏而出之非  
 著書有得安能津津言之若此

三餘漫筆序

論更正大

沈 荃

史之為道難言之矣。尙論者必才優于古。學優于才。識優于學。劉知幾所以有三長之論。博收寡要。則繁而不整。摭實少文。則俗而不典。意有軒輊。則賞罰不中。辭有忌諱。則書不實錄。志存簡約。則文不勝質。袁松所以有五難之嘆。操觚之家。欲兼三長。○從○橫○言○之○去五難。驅馳百代。上下千載。令終古帝王聖賢豪傑。悉聽命服。○如○御○百○萬○軍○使○之○如○風○雨○膺於尺幅之中。寸管之下。不綦難哉。吾友顧子庶。其少負儁才。於書無所不窺。其精明強固之識。又足以灼古今而燭理亂。吾知之深。得之有素矣。及讀其三餘漫筆論。皆創見。斷必新裁。是

非賞罰一語不經人道而且言簡而理該筆嚴而義正參經酌  
史質有其文所謂兼三長去五難驅馳百代上下千載令終古  
帝王聖賢豪傑悉聽命服膺于尺幅之中寸管之下者舍顧子  
其誰歸他年詔下求賢纂修前史欲得精思天祿高論石渠獨  
抒所見自成一家言者則此書將與李延壽之南北史顏師古  
于志寧李淳風孔穎達之晉書隋書宋祁歐陽修之唐書五代  
史並繼皇輿分鑣天壤垂諸不朽矣

錢礎日曰說盡史家難處而形容贊美亦復至當不易自覺  
三餘一書極有關係先生此序其過玄晏多矣

重修宗譜序

張秉彝

叙大源流○并朕

吾族之遷桐也自貴四公始族譜之編也自先大父始遡始遷

以迄先大父凡六世既譜而傳之矣猶記先大夫以一帙授余

曰此吾宗家乘也謹識之余拜受而藏諸笥篋時歲在丙辰先

大夫以是年稱六袞之觥迄今五十餘年矣中間兵燹流移竭

蹙播遷兢兢焉奉之無敢失墜今余且七十有四每發笥篋覽

先人譜牒未嘗不瞿然而懼愀然而感也茫茫之緒僅此一帙

此一帙中又僅圖世系而先人宦婚生卒之詳生平出處之大

節以及功德之在民社者皆未及臚述而余又且老矣族之齒

無復有長於余者先人之嘉言懿行以及宦婚生卒惟余猶及  
 記憶且余迨事先大父及先大夫年尚久所熟聞於先世者亦  
 悉數十年來嘗中夜不寐徃復於余懷及今而執筆書之猶能  
 叙述其萬一嗟乎敢不及此時而傳之耶此時而不傳後雖傳  
 之而誰徵耶爰是謀諸族人取舊譜世系圖序次十二世增世  
 紀以後若干卷閱一歲而成授之劄劄氏又聚族人而告之曰  
 而亦識吾譜之之意乎吾族自始祖以來相傳皆愿謹樸茂耕  
 且讀之外無他務至大父而振起其樹勲抗節不具論予猶及  
 見其居鄉二十年懷方軌正守雌抱樸生平未嘗失色于人

下○筆○頓○挫○而○語○復○警○策○

正○襟○而○談○令○人○聳○聽○

讀此段如聞暮鼓晨鐘

故家國鄉里無間言先大夫諸父奉為家學靡不循循謹飭以  
 故百餘年繩繩振振先人之緒賴以不墜未必非忠厚之遺澤  
 多也其共識之又告之曰吾宗無疏支遠屬大約皆三世祖之  
 後近則贈大夫之後也數年以來漸次蕃衍不獨宜聯屬固結  
 以蔭本根尤宜休戚疴癢視同一體人之生世族者譬之乘安  
 車居大厦然車必轂受輪輪受輻而後可以致遠不然則覆矣  
 厦必柱承椽椽承桷而後可以蔽風雨不然則傾矣人之愛族  
 詎不如是而顧令之渙然而不相屬喜不相慶憂不相恤如輪  
 自為輪輻自為輻椽自為椽桷自為桷而居之者猶恃以為安

妙○喻○

淋○瀉○痛○快○



豈不愚哉此吾譜之所以作也其共識之繼而告之曰吾宗世承清白登顯仕者皆廉平公恕後之人應有食其報者苟敬守先人之訓自能續承而光大之余雖老猶拭目焉皆曰諾然是言也○結○語○更○遠○不可一日不使族人聞也遂書以為序

錢礎日日議論宏偉情文曲折總於一本上落想於勸勉族人處着神昔人謂讀蘇老泉族譜引而無水源木本之思其為人後也可知讀族譜亭記而無束修名教之意其為人後也可知今讀先生宗譜序而不肅然起孝友敦睦之心者其為人後為人行也亦可知矣

重修族譜序

徐晟

吾族譜由來尚矣一修於六世祖尋樂公再修於族五世祖南康味泉公三修於族大父太僕振雅公從大父文學季美公自昔厥後幾五十餘年不修而吾族日益衰落自三五廉隅修潔之士之外學問未及修明廉耻禮義不知崇飭蚩蚩貿貿幾流於匪類而不知所返歲次丙辰家夫子慨狀憂之乃集諸從父諸從兄弟暨諸子姪凡若干人倡復義田整頓時祭諸子姓之不率教者鳴諸官府將以蒲鞭示辱而一二宗老尚哀其不先父兄之教而即於罪戾於是敬懸祖像講明宗法異其悔過如

是者奔走控訴晦明風雨幾及半載而頓復其舊觀小子玆隨諸大父行諸父行以効勤事退而重修族譜備稟以呈於若翁余覽之而撫朕歎瞿朕念曰此豈而之責也夫玆正容却立而言曰吾宗自五世以上業有成書五世以下則大父各著小傳瑜瑕不檢儼然成史筆以公諸後人玆特從而部伍修葺耳不敢妄為臆斷也況子姓繁衍有同姓而不知其名若字者幾同路人玆謹而書之匪敢失墜余乃詔之曰玆爾來前吾將以宗法誠汝禮大傳曰人道親親也親親故尊祖尊祖故敬宗敬宗故收族收族故宗廟嚴夫人子姓雖紛猶同氣也自父以上則

引証詳切

此言可謂善述祖矣

知祖矣自祖而推則知曾高矣自高祖而推六世七世以遡於無窮有二本哉吾家先古自南昌以前譜牒失傳自南渡以至于今二十有二世昭穆井然蓋古喬木家也親親可不講肄乎哉傳曰別子為祖繼別為宗繼禰者為小宗有百世不遷之宗有五世則遷之宗吾家譜牒具存有別祖焉則南渡始遷之祖是也有繼別焉則遷祖以下開家之宗是也嗣是則繼始遷者為大宗繼開家者為小宗有世為大夫之宗有繼祖為禰之宗三代以降宗法不明不得不立為祠堂故冠取妻必告死必赴練祥必告猶之宗法之遺也故祠堂不可以不立也傳曰族之

宗法何世分

相為也宜弔不弔宜免不免有司罰之至于賄賂承舍皆有正  
 焉吾家之置義田也苦○心○如○此○是宗法亡而為收族之義也今日改義田  
 為祭田實痛傷夫悉索敝賦之無時水旱凶荒之洊至則瞻族  
 為難繼其究也時祭不舉而族姓莫可收拾嗚呼祭法亡則不  
 可以收族不可以收族則不知尊祖不知尊祖則不知敬宗其  
 勢不至於夸祖墓而墟宗廟不止此丙辰之役晟所以抱病永  
 歎而僕僕奔走於盛暑嚴寒中隨諸父老為創復義田之舉也  
 埃也志之嗚呼天下之事自身而家而國而天下成之者必一  
 二人壞之者亦必自一二人古之君子能率天下之人盡為仁

人孝子而況於骨肉至親乎先王所以立宗子者蓋以仁季之  
 道責之云爾慨自宗法廢而天下無世家矣無世家則嫻睦孝  
 友任卹之義不脩埃也趨庭猶及見大父皤然八十以上父與  
 仲父皆六十以上吾老而酷貧既不獲以功名利達望其子豈  
 終不獲以廉耻信義望其子而慎毋失足於人毋失口於人毋  
 失色于人是譜也必有我師焉視其賢者宜修狀以喜視其不  
 賢者宜怵狀以懼吾今日而重修此譜也而實備草稿焉然非  
 徒以譜也求所以為譜之意而可也戊午穀雨日南渡十九代  
 孫晟董沐謹序

錢礎曰曰修譜賢子孫事也徐氏族譜有禎起主之彥通率  
而行之而仁孝之意行乎其間矣文之援引考據酌古法準  
時宜其言可法可傳允稱傑作

錫山張氏世譜序

張有譽

是歲癸卯之夏錫山張氏世譜成董其事者爲伯冲暨南倩羔  
倩有秩諸子勸之以不佞有宗誼而屬之序序曰凡夫後世之  
昌大蕃衍也莫不原於祖德而德莫盛于好生春秋文公五年  
秋楚滅六冬滅蓼臧文仲曰臯陶庭堅不祀忽諸畢萬初仕晉  
筮之遇屯之比辛廖占之曰吉公侯子孫必復其始而萬蓋畢  
公高後也夫臯陶以大聖人而後世無傳畢公高亦以大聖人  
而其後最大豈其德有厚薄哉蓋臯陶所職者刑也讀象刑惟  
明之辭凜凜乎有戒心焉是臯陶未嘗欲殺人而刑法不能不

論奇而確

通篇大旨

殺人○皇○陶○固○以○刑○名○絕○世○也○畢○公○高○任○保○釐○之○責○而○其○道○在○不  
 剛○不○柔○其○為○休○養○生○息○者○不○知○幾○何○矣○後○之○子○孫○夫○安○得○不○昌  
 我○錫○山○張○氏○為○邑○望○族○冠○帶○雲○仍○踵○起○益○茂○然○其○道○固○有○原○焉  
○溯○出○原○來○  
 有○明○之○初○偽○吳○將○擁○兵○據○錫○邑○太○傅○徐○魏○國○遣○豫○章○侯○胡○公○帥  
 師○圍○之○即○不○下○城○立○屠○耳○止○齋○公○廼○說○之○出○降○所○生○活○邑○人○不  
 下○數○十○萬○噫○邑○之○人○而○有○公○焉○則○生○矣○邑○之○人○而○無○公○焉○則○死  
○說○得○鄭○重○  
 矣○無○公○則○死○有○公○則○生○是○公○固○邑○之○所○倚○為○司○命○而○到○今○受○其  
 賜○者○也○且○當○公○之○時○逐○鹿○未○息○瞻○烏○靡○定○公○能○奮○然○決○畫○識○景  
 運○之○有○在○知○餘○孽○之○必○亡○可○不○謂○賢○且○知○乎○使○得○參○帷○幄○陪○行

間○雖○微○絳○灌○之○勳○不○失○隋○陸○之○畧○亦○可○裂○地○受○封○垂○耀○竹○帛○寧  
 僅○聊○城○一○矢○足○竟○其○用○然○公○固○不○以○功○重○而○以○德○重○也○試○觀○諸  
○挽○到○德○上○  
 為○功○臣○後○者○或○陰○謀○犯○忌○再○世○而○微○或○殺○降○受○譴○及○身○而○絕○鐵  
 券○丹○書○卒○莫○可○恃○而○公○之○世○歷○久○滋○大○然○後○知○好○生○之○德○遺○陰  
○一○束○  
 無○窮○而○天○之○報○施○果○不○爽○也○公○後○為○二○支○長○子○籌○用○學○士○薦○累  
 官○至○尚○書○子○孫○代○多○顯○貴○已○別○著○牒○次○子○策○錦○衣○世○襲○職○親○侍  
 衛○其○孫○謨○以○鄉○貢○任○高○州○別○駕○遺○愛○祀○名○宦○累○傳○至○給○諫○靜○思  
 公○選○侍○御○靜○生○公○績○曾○直○聲○亮○節○絢○赫○兩○朝○國○史○邑○乘○可○按○而  
○照○應○有○神○  
 知○是○則○天○之○以○兩○公○報○公○者○不○基○厚○哉○君○子○以○公○侯○復○始○之○言

文藻

三

堂定本

于是乎驗矣。夫止齋公之免闔城于燔戮一畢，公高之保釐也。及靜思公筮仕蕭山，用古教化為治術，邑人謠生我焉。靜生公在西臺，所拜二十餘疏，利於民者必舉，病於民者必除。其按豫也，出三章與羣吏約，兩公者大率以公之心為心，豈非公始之而兩公克復其始乎？夫公之始也，天既以兩公報公矣，兩公之復始也，天又不將以報公者報兩公哉？今容庵由鄉副薦出宰鎮平，吏畏民懷，暮月試可，扶曜受新恩，特選廷對，哀然首擢。雖兩君展布伊始，而其體靜思靜生兩公膏雨斯民之志，則亦猶○合○得○夫止齋公好生之意云爾。矧子姓繩繩，大龍小鳳，悉具瑋材，勢○妙○

必振黃門柏府之遺緒，而光大始祖之業，于不衰嗚呼！讀張氏世譜者，夫亦可知天道報施之故矣。○又○一○東○

錢礎曰：世族之盛，由于世德之長，而德惟好生為甚。然好生亦有大小之不同，止齋公全城一節，其生人也多矣。其為德也大矣，宜其後代有聞人繩繩不替，至今益盛也。天之報施，寧有爽與？先生此文為張氏一門表章，即以為世之修德者券云。

寒家世譜不修，蓋有年矣。壬癸之際，先君子惻然念一本至誼，因與伯父叔父輩重加修緝，不久遂成。今讀此序，源源委



彼將依附人人亦得而依附之若華氏之譜家有傳世有考如  
 驂騮不與駑駘同種鸞鳳不與燕雀並類雖繩樞甕牖之子登  
 列譜藉皆有詩書之氣寧僅若隴西之門第相高武襄之不拜  
 梁公已哉余舅龍叔氏裔出鸞湖力敦孝友閉戶著書妙適王  
 大夫生平不藉其一刺當鼎革時大夫避亂湖邊籠寄橐中裝  
 數千金踰年歸趙封識宛然其行誼不苟率如此顧以舊譜泛  
 濫太廣乃約而訂之別為守貞固譜斷自徵君詳其一枝而止  
 簡而明尊而不漏其所詮次先代之嘉言懿行鴻文鉅篇揚徽  
 闡幽不溢不誣雖家史猶家集焉使後之子孫讀而起曰吾祖

○揚○蓋○致○  
 吾宗之駿烈清芬若此則仰而思思而何以繼之述之人曰吾  
 叔父昆季之瓜瓞雲初若此則俯而思思而何以敦之睦之豈  
 非親親賢賢之孝乎譜方鉅嗣君適有賢書之報迺惟前光正  
 未可量也詩曰母念爾祖聿修厥德叔氏有焉詩曰貽厥孫謀  
 以燕翼子叔氏之譜有焉

引詩作結前甚

錢礎日曰叙華氏譜與叙他氏譜有異叙守貞固譜又與泛  
 叙華氏譜有異先生以親賢明孝令作譜之旨躍然言外而  
 又以頓宕迴翔之致出之其動人水源木本之思者深矣讀  
 此文勝讀蘇明允族譜引





汝氏世譜序

錢肅潤

夫所貴有世譜者世其家也○通篇作桂○世家者何世其功世其德世其言

也汝始姓女也自艾昉也先從功說起夏少康時過氏作亂艾謀澆滅之復

禹之緒若者殆中興功臣也至鳩房為商賢人成湯遇于郊載

之歸與伊摯仲虺同佐命其從龍之功抑何大也噫汝氏之初

固已世其功矣乃汝氏之德又歷歷可數焉周汝叔齊為晉司

馬侯大夫以知禮著其子寬亦晉大夫萇弘城周寬謂弘違天

不免則以智稱漢汝郁孝子也宋汝有為忠臣也元時義之公

慷慨好義兼有智畧明初韞軒公却張士誠金幣不受其節有

汝氏世譜一 七 十峯草

足○多○者○竹○隱○公○毀○家○紆○責○順○菴○公○輸○粟○急○公○其○鄉○之○仁○人○國○之○  
義○士○與○恩○隱○公○用○計○滅○盜○安○靖○國○家○執○法○巡○城○聲○震○殿○陛○何○其○  
忠○也○少○渠○公○為○御○史○論○事○忤○旨○出○按○四○川○風○紀○肅○然○卒○為○權○奸○  
所○陷○又○何○忠○也○子○鳳○公○為○司○訓○官○出○京○遇○難○不○屈○被○傷○仆○火○死○  
其○忠○節○為○何○如○也○默○菴○公○為○諸○生○濟○人○利○物○隨○遇○行○志○復○與○人○  
為○善○刊○感○應○篇○格○言○諸○訓○以○廣○德○意○斯○所○稱○仁○義○忠○信○樂○善○不○  
倦○人○也○嗚○呼○汝○氏○之○德○如○是○可○不○謂○世○其○德○者○乎○至○于○立○言○之○  
家○斷○惟○汝○氏○前○此○勿○論○已○周○菴○公○當○成○化○時○會○修○英○廟○實○錄○入○  
史○館○拜○中○書○歷○官○武○選○銓○衡○及○出○守○以○來○三○十○年○間○詩○文○遍○天○

下○所○著○有○學○鳴○集○南○安○誌○行○世○來○齋○公○始○以○文○學○名○後○成○進○士○  
入○銓○曹○出○知○永○州○文○章○事○業○傳○播○海○內○所○著○有○來○齋○集○性○理○補○  
註○行○世○餘○著○謨○之○載○于○譜○者○不○勝○述○大○要○汝○氏○立○言○則○又○世○而○  
有○之○夫○然○汝○氏○豈○不○誠○世○家○也○哉○惟○世○其○家○者○能○世○其○譜○若○汝○  
氏○則○信○乎○其○為○世○譜○矣○續○世○譜○者○誰○汝○氏○之○裔○孫○有○博○學○洽○聞○  
者○名○欽○授○超○宗○其○字○云○

宋既庭曰起從世譜提出世家字來又從世家提出世功世  
德世言字來一路鋪張揚厲將汝氏足以世其譜處疏說詳  
明自首訖尾節節呼應確是為汝氏序譜非同泛涉

董方南曰敘事兼之議論起伏關鎖純以神行而評斷謹嚴  
正復一字不苟可想見先生用筆高潔處

汝其脩日鋪敘繁却有斷制故其文簡閒架整却能宕往故  
其致閒鍊局鍊意鍊詞直與古為化矣吾家華日先生為行  
敏公裔孫碩德重望鄉邑典型超翁仰紹家學修葺譜牒備  
見苦心今復得吾師鉅文闡揚寒門何多幸哉此又當拱為  
世珍者也

范氏宗譜序

季麒光

范氏之譜○范氏族人○皆宗之○自文正公以來○子姓繁衍○三吳兩  
浙間支不一派○係譜于梁溪○蓋親親之誼斷自近始也○嘗考譜  
者史也○先王乘時建德○因生賜姓○諸侯以字為氏○以謚為族○所  
封之邑亦如之○故周有小史○定世序○辨昭穆○因作世本○記黃帝  
以來○乞于春秋○凡公卿大夫○名號統系○無不詳慎○而人倫於是  
明焉○秦燬詩書○公侯子孫○失其世序○及龍門作史○記因周譜而  
紀世家○後人始知姓氏所由○出兩漢有鄧氏官譜○應邵氏族篇  
王充姓氏論○魏晉以下○譜有世官○官有世胄○有司選舉○必稽譜

牒以辨真偽誠重之也。劉宋何承天復作姓苑以廣前志所未備。唐有貞觀氏族志。元和姓纂。柳冲路敬淳之徒。又有姓畧氏族系統諸書。是皆先王崇德尚功尊賢序貴所以維持天下之風俗。而大宗小宗之法賴以不廢。五代喪亂相仍。氏族不掌。于國史降為家乘。則族之有譜寔與史相表裏。自彝倫攸斁。骨肉學生角弓致嘆。粟布與謠同室有操戈而起者。甚至貧賤不知恤愛。患不知救視宗人。凌替漠焉不加戚於其心。一旦臨利害。殊生死則捐棄畏避。如鳥獸不相顧。祖廟無食。丘墓不修。此仁人孝子之所隱痛也。故欲尊祖必先睦族。欲睦族必先述譜。孔

子曰睦於父母之黨者可謂孝矣。今景純公有慨於斯。自文正五世孫占籍梁溪者為始。編輯成書。先之譜例以明書法。繼之宗裔以明世次。首載前朝誥勅章天寵也。後載名賢撰述紀文獻也。至于遷徙散處者。復別其支系。誌其里居。使宗人展卷而知某祖之孫。某父之子。長幼尊卑秩然不紊。誠可為一家之信史矣。雖景純所輯止于梁溪。亦望天下凡為范氏之子若孫。就其所宗。分輯而彙成之。庶使文正忠宣流風遺澤。將歷百世而不毀也。先祖母范太孺人出自徽九公堰橋支。元貞與余為中表叔姪。譜成余敬為之序。

非見至隱

錢楚日曰史爲國乘譜爲家乘史以義著統於尊也譜以仁  
傳統於親也蓉洲此序直可作二十一史論贊讀蘇氏族譜  
亭記後不啻再睹此名作

堂定本

重輯高士傳自序

敘次歷落分明

錢肅潤

作高士傳者始皇甫氏繼阮氏皇甫自堯至魏九十餘人大抵  
身不屈王公名不耗終始者斯入集焉阮則上自炎皇終于天  
監分爲三品以言行超逸名氏弗傳者爲上始終不耗姓名可  
錄者次之挂冠人世棲心塵表者又次之其後方山薛公總而  
輯焉更取魏晉以來迄于元明高蹈之士擇而續之成爲一編  
其意義與皇甫阮微不類謂惟超于形氣之外而不落聲跡之  
中者斯得謂之高士例甚嚴也肅潤不敏亦嘗從事于斯矣上  
法皇甫氏阮氏下宗薛公間出已見或刪或補首巢父而許由

不與焉許求名巢不求名也次石戶之農而蒲衣子不與焉蒲

衣子雖讓而不受不如石戶農一門入海高風更遠也沮溺荷

蕢石門守不錄而荷蓀丈人則錄以其為隱者也夷逸朱張經

傳不見而余則取之以其為逸民之尤也聖門高士皇甫載顏

子曾子及原思三人薛公益閔子一人余謂顏曾得道幾于聖

人閔子優于德不為費宰特其一節安得目為高士原思狷介

亦非以不仕為高者惟季次清風高節見于不仕余故表而出

之皇甫以嚴光牛牢竝列薛公存牛牢置嚴光余謂箕踞抱膝

張目熟視是一道也被髮稱疾不答詔命是亦一道其竝列宜

堂定本

也徐穉申屠蟠郭泰袁閔高士也何以遺黃憲憲隱居不仕樂

道慎陽可謂高矣後寓遊息國感於異鷲乃歷聘諸侯以興漢

室為已任則高非其志也其先仕後隱者晉陶潛唐元德秀余

謂德秀歌于為是循吏也潛不肯束帶見督郵無宦情矣故元

德秀不得與陶潛竝列宗炳學向平者也錄宗炳不錄向平者

平赴王邑之辟炳不應衡陽之命也魏野林逋宋二高士也固

不得軒魏而輕林南安翁誥勅猶存本色盡露未為高也蘇雲

卿雖偶失言輒自咎嘆終遁跡不知所往非高而何于金則入

褚承亮郝天挺不對策不充賦是真高也若杜時昇占風望氣

所弗取也。于元則入危復不入。杜本危復始終不出。是真高也。若杜本應召至杭。病不能行。猶殷殷致書丞相。何為者也。繼補陶宗儀且畊田。且著書。是則高也。繼又補倪瓚。丁元之季。日坐一室。以詩畫為娛。既遂棄家。貴出遊江湖間。是亦高也。明初如傅淳、鮑恂、謝應芳、理學士也。不入高士。龔翊、義士也。亦不入高士。徐舫、荷簑而見青田。織屨者坐橈而譏。廣孝固為高也。若王賓、韓奕。雖與姚少師交。而亦不失為高。余補之。嗣是以降。薛公輟筆。余復何言。惟于遜國之際。得七人焉。後此者。高士不易稱。亦不概見也。閒採數人。續之。余且慎之矣。噫。以余之所見如此。

夫豈大遠于皇甫阮而不同夫薛公者乎。亦曰士之得為高者。必其有關於君父。有繫于國家。有裨于道德。心術之微。綱常名教之重。而非徒山林石隱為也。皇甫氏阮氏與薛公復起。當不以余言為河漢。

王築夫曰。衡量古人。銖兩悉稱。文字妙在參差錯綜。逐段變易。讀之如入武夷九曲。到處別一洞天。

李仁熟曰。敘事中。即帶議論。非寢食于韓歐諸大家。不能有此。

文淵閣 卷四 吳越備史一 十峯草 堂定本

吳越備史後序

錢肅潤

備史者備五代之史也。歐陽氏曾作五代史矣，何以備為曰歐

○一○句○斷○明○下○縱○橫○如○意

陽氏之史非信史也。曷言乎非信史也？當是時藩鎮僭亂西川

先從客起

王氏稱蜀，邗溝楊氏稱吳，南海劉氏稱漢，長溪王氏稱閩，皆竊

大號，帝制自為。我武肅王獨處吳越之邦，臣事中國，永奉年號。

其諸國或通姻親，或達聘好，皆以龍衣玉冊暨書疏等勸王自

只此數語便見光明正大

大王笑曰：此欲駕吾于鑪炭上耶？吾以去偽平賊，承天子疇庸

心○事

之命，至于封建車服之制，悉有所由。豈圖一時之利，乃同爾輩

所為耶？却之不納，其守節也如此。歐陽氏迺欲以求玉冊改年



號二事損王盛德可謂信乎歐陽氏之言曰唐莊宗入洛鏐遣使貢獻求玉冊莊宗下其議于有司羣臣皆謂非天子不得用玉冊郭崇韜尤為不可既而許之乃賜鏐玉冊金印鏐因以鎮海等軍節度授其子元瓘自稱吳越國王肅潤考同光元年我武肅王獲傳國璽不敢僭有亟獻之于朝三年秋八月勅遣大臣李德休聶璵等持節備禮賜黃金印玉冊時有司有備竹冊銅印者唐主曰尚父元老不當待以人臣况已封建乎玉冊之賜實莊宗意也非王求也使王果有僭天子之禮之心何不收玉璽以自侈顧乃納國璽以求玉冊耶求玉冊大事也苟有是

辨得明晰

求則求玉冊之使何得不書某姓名乃僅曰遣使貢獻耶且賜冊之日直封吳越國王又授其四子為節度文穆王仍以太師兼中書令領西浙何又曰以鎮海等軍節度授子某而自稱吳越國王耶此其不可信者一也歐陽氏又有言曰五代十國稱帝改元者七吳越荆楚常行中國年號然予聞于故老謂吳越亦嘗稱帝改元而求其事迹不可得頗疑吳越後自諱之及旁采聞楚南漢諸國之書與吳越往來者多矣皆無稱帝之事獨得其封落星石為寶石山制書稱寶正六年辛卯則知其嘗改元矣辛卯長興二年乃鏐之末世也肅潤又考辛卯長興二年

又辨端

安重海甫誅我王致仕方起位亦初復何得遽有封石之事且此石不知落于何地封于何所制書何不傳于世而獨為歐陽氏所得耶夫欲求其事迹不得采諸國往來之書又不得而強以落星石為寶石且因寶石之名懸擬寶正年號以是撫而實之然邪否耶此其不可信者二也至于曰重斂曰殘刑曰掠商賈寶貨其言固盡反我王之所為具不足辨大要欲以一己之私見掩百世之公議其為非信史也明矣今觀備史一書約而達簡而該自武肅以迄忠懿三世五王八十餘年無鉅不書無微不錄無溢說無諛詞其言皆實而有據顯而可徵不誠煌煌

○結○到○備○五○代○之○史○

乎五代信史哉謂之備史宜也舊本武肅王分二卷文穆王一卷忠獻王一卷忠遜王附之大元帥吳越國王一卷補遺一卷今但以武肅王二卷合為一卷餘悉遵舊不敢同異作備史者誰武勝軍節度使書記范公坰巡官林公禹也肅潤再考文穆王第十四子儼者宋開寶三年以吳越備史十二卷上忠懿王王嘉嘆錫賚殊厚其平生著述有吳越備史十五卷備史遺事五卷其書湮沒不傳卷帙與此本亦不類今始闕焉不載其名王築夫曰辨析詳明考證指陳必有確據昔人論五代史多據傳聞意在作為文字而事實或不盡合宜先生之有此辨

也

顧茂倫曰其所辨確然歷然然而七百餘歲夢夢也真是識  
空千古豈直爲武肅一雪誣妄

賀天山曰見得真駁得倒廬陵當首爲心折試向錢塘江上  
一再吟斯文潮水逆流叱咤而風生者武肅王之精英在焉

